

EBERHARDVS COMES IN ERBACH.



**E**Berhardus ex illustri familia comitum in Erbach anno circiter 1508 natus, & in omni genere uirtutum optimè educatus fuit. Is in adolescentia bonis literis operã dedit, atq; militaribus actionibus sese exercuit. Postea ex illustri familia Reingrauiorum uxorem duxit, atq; ex ea pulcherrimã prolem sustulit. Erat autẽ is pietatis deditissimus, atq; rara prudentia conspicuus. Itaq; Fridericus elector Palatinus eum suæ curiæ supremum Magistrum constituit, atq; suo nomine res maximas administrare iussit. Eam functionẽ Eberhardus magna diligentia expediuit, atque in primis literarum studia promouere solitus fuit. Cum etiã Euangelicam doctrinam amaret, reliquos proceres ad eam incitauit, atque suis

uirtutibus nobilitatis exemplar fuit.